


Ibu, ayah suntik semangat graduan cemerlang

FOTO MUHAMMAD SULAIMAN /BHI



Muhammad Afiq Ikram menunjukkan diploma kepada ibunya, Rosnah Hasnan dan Rusni (kiri) pada Majlis Konvokeyen Ke-19 di Politeknik Sultan Salahuddin Abdul Aziz Shah, semalam.

Shah Alam: Kasih ibu bawa ke syurga. Kasih ayah berkorban nyawa. Itulah ungkapan menggambaran keadaan Muhammad Afiq Ikram Rusni, yang terpaksa bergantung sepenuhnya kepada ibu bapanya untuk meneruskan pelajaran.

Namun, graduan Diploma Pengajian Perniagaan berusia 22 tahun yang menghidap penyakit *Spinal Muscular Atrophy (SMA)* sejak dilahirkan itu memiliki semangat kental dan tidak mudah mengalah.

"Sepanjang belajar di sini, ibu ayah mengambill dan menghangtar saya ke kuliah memandangkan saya tinggal di Klang bersama keluarga.

"Ibu, ayah, kawan-kawan dan pensyarah sangat membantu saya sepanjang belajar di sini. Bagi saya, kekurangan ini bukan kelemahan untuk saya berjaya.

"Alhamdulillah, saya mendapat Purata Nilai Gred Kumulatif

(PNGK) 3.46. Saya sedang membuat permohonan kerja selain mencari peluang berniaga secara atas talian," katanya.

Bapanya, Rusni Sabtu, 50, berkata, pada awalnya mendapat tawaran kerja, tetapi selepas mengetahui keadaan fizikalnya, majikan terabit membatalkan hasrat untuk mengambill beliau bekerja.

Antara 994 graduan

Muhammad Afiq adalah antara 994 graduan ijazah, diploma, diploma lanjutan dan sijil berjaya menamatkan pengajian pada Majlis Konvokeyen Politeknik Sultan Salahuddin Abdul Aziz Shah (PSA) Ke-19 semalam.

Sementara Anugerah Kecemerlangan Akademik dan Kokurikulum Politeknik dirangkul oleh Siti Suhana Hassan, 25,

Graduan Ijazah Sarjana Muda Teknologi dan Pengurusan Fasiliti di bawah Jabatan Kejurute-

raan Awam itu kini bekerja di sebuah syarikat kejuruteraan awam di Sabah.

Pengerah PSA, Tajuddin Abdul Rashid, berkata sejak penubuhan PSA pada 1997 sehingga 2016, seramai 35,450 graduan dihasilkan.

Pada konvokeyen itu, katanya, seramai 225 graduan Kejuruteraan Awam, 243 graduan Kejuruteraan Elektrik, 185 graduan Kejuruteraan Mekanikal dan 311 graduan Perdagangan menerima ijazah, diploma dan sijil masing-masing.

"Konvokeyen kali ini membarbitkan dua program ijazah, satu diploma lanjutan, 12 program diploma dan satu program peringkat sijil.

"PSA turut menyampaikan Anugerah Kecemerlangan Akademik dan Kokurikulum Jabatan, Anugerah Pengarah Politeknik dan Anugerah Projek Terbaik," katanya.

1 OKTOBER 2017

BK